

**Broj: 07-02-977-01/34/14**  
**Mostar, 22.12.2014. godine**

Na osnovu člana 21. stav (1) tačka 8), člana 22. tačka 2) i tačka 7) i člana 83. stav (3) Zakona o električnoj energiji u Federaciji Bosne i Hercegovine („Službene novine Federacije BiH“, broj 66/13), člana 10. stav (1) tačka h), člana 11. stav (1) tačka b) i tačka g), člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 24/14), člana 32. stav (3) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 29/14), člana 45. Opštih uslova za isporuku električne energije („Službene novine Federacije BiH“, broj 89/14), člana 20. stav (1) i stav (5) i člana 39. stav (2) Pravilnika o metodologiji za izračunavanje naknada za priključenje i definisanje rokova i uslova za priključak na distributivnu mrežu („Službene novine Federacije BiH“, broj 89/14), Regulatorna komisija za energiju u Federaciji Bosne i Hercegovine - FERK je na XXI redovnoj sjednici održanoj 22.12.2014. godine donijela

**O D L U K U**  
**o davanju saglasnosti**  
**Javnom preduzeću Elektroprivreda Bosne i Hercegovine d.d. - Sarajevo**  
**na jedinične iznose naknada za priključenje na distributivnu mrežu**

**Član 1.**

- (1) Daje se saglasnost Javnom preduzeću Elektroprivreda Bosne i Hercegovine d.d. – Sarajevo, kao imaocu dozvole za rad za distribuciju električne energije, na jedinične iznose naknada za priključenje na distributivnu mrežu sadržanih u članu 2. Odluke o utvrđivanju iznosa prosječnih vrijednosti investicija elektroenergetskih objekata distributivne mreže i jediničnih iznosa naknada za priključenje krajnjih kupaca/proizvođača na distributivnu mrežu broj NO-40994/14-48V/1 od 18.12.2014.godine, koje je FERK primio dana 19.12.2014. godine pod brojem 07-02-977/34/14.
- (2) Odluka o utvrđivanju iznosa prosječnih vrijednosti investicija elektroenergetskih objekata distributivne mreže i jediničnih iznosa naknada za priključenje krajnjih kupaca/proizvođača na distributivnu mrežu broj NO-40994/14-48V/1 od 18.12.2014. godine iz stava (1) ovoga člana sastavni je dio ove odluke i nalazi se u prilogu iste.

**Član 2.**

- (1) Jedinični iznosi naknada iz člana 1. stav (1) ove odluke bez PDV-a iznose:  
-195 KM/kW za priključenje na niskonaponskom nivou distributivne mreže,

-140 KM/kW za priključenje na sredjenaponskom nivou distributivne mreže.

- (2) Jedinični iznosi naknada za priključenje na distributivnu mrežu iz člana 1. ove odluke počet će se primjenjivati od dana 01.01.2015. godine.
- (3) Javno preduzeće Elektroprivreda Bosne i Hercegovine d.d. – Sarajevo, kao imalac dozvole za rad za distribuciju električne energije, obavezno je na svojoj internetskoj stranici i u svojim ovlaštenim kancelarijama za odnose sa korisnicima distributivnog sistema objaviti jedinične iznose naknada za priključenje na distributivnu mrežu.

### Član 3.

Ova odluka stupa na snagu danom donošenja, te se objavljuje na internetskoj stranici, oglasnoj tabli FERK-a i u „Službenim novinama Federacije BiH“.

### Obrazloženje

U skladu sa članom 21. stav (1) tačka 8) i članu 83. stav (3) Zakona o električnoj energiji u Federaciji Bosne i Hercegovine, FERK je nadležan za davanje saglasnosti ili utvrđivanje iznosa naknada za priključak na distributivnu mrežu prema metodologiji za izračunavanje naknada i definisanje rokova i uslova za priključak na distributivnu mrežu, koju donosi FERK. Navedeno je propisano i odredbom člana 10. stav (1) tačka h) Statuta FERK-a na način da je FERK nadležan za davanje saglasnosti ili utvrđivanje iznosa naknada za priključak na distributivnu mrežu. S tim u vezi su i odredbe člana 22. tačka 2) i tačka 7) navedenog Zakona, odnosno člana 11. stav (1) tačka b) i tačka g) Statuta FERK-a, kojim je propisano da je u izvršavanju svojih ovlaštenja i obavljanju svojih funkcija prema Zakonu FERK obavezan štititi prava učesnika u energetsom sektoru (kupce, operatore distributivnog sistema, proizvođače, snabdjevače i trgovce), te regulisati kvalitet usluga na svim nivoima, kao i tarife i naknade koje se plaćaju za regulisane usluge u distribuciji, imajući u vidu interese i potrebe svih korisnika za snabdijevanjem električnom energijom.

Članom 45. Opštih uslova za isporuku električne energije propisano je da je operator distributivnog sistema obavezan u roku od 30 dana od dana stupanja na snagu Pravilnika o metodologiji za izračunavanje naknada za priključenje i definisanje rokova i uslova za priključak na distributivnu mrežu i tih Opštih uslova dostaviti FERK-u, radi davanja saglasnosti, jedinične iznose naknada za priključenje na distributivnu mrežu izrađene u skladu sa navedenim Pravilnikom. Takođe ovim članom je propisano da operator distributivnog sistema u skladu sa odredbama Pravilnika o metodologiji za izračunavanje naknada za priključenje i definisanje rokova i uslova za priključak na distributivnu mrežu može zahtjevati izmjenu jediničnih iznosa naknada za priključenje na distributivnu mrežu. Propisano je i to da u slučaju da predloženi iznos jediničnih naknada za priključenje na distributivnu mrežu nije u skladu sa Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, FERK

utvrđuje jedinične iznose naknada za priključenje na distributivnu mrežu, kao i da jedinični iznosi naknada za priključenje na distributivnu mrežu trebaju biti dostupni krajnjim kupcima/proizvođačima na internetskoj stranici FERK-a, operatora distributivnog sistema, kao i svim ovlaštenim kancelarijama operatora distributivnog sistema za odnose sa korisnicima distributivnog sistema, te da FERK može na vlastitu inicijativu pokrenuti postupak izmjene jediničnih iznosa naknada za priključenje na distributivnu mrežu.

Na osnovu navedenog, članom 20. stav (1) Pravilnika o metodologiji za izračunavanje naknada za priključenje i definisanje rokova i uslova za priključak na distributivnu mrežu propisano je da radi davanja saglasnosti na jedinične iznose naknada za priključenje od FERK-a, ODS-ovi na osnovu člana 10. stav (3) tačke c) i d) ovog Pravilnika, dostavljaju FERK-u iznos prosječnih vrijednosti investicija elektroenergetskih objekata distributivne mreže prema tabelama iz Priloga tog Pravilnika i jedinične iznose naknade za priključenje za NN i SN distributivnu mrežu, dok je stavom (5) istog člana propisano da jedinični iznos naknade za priključenje predstavlja 50% od izračunate prosječne vrijednosti investicije. Dalje, članom 39. stav (2) istog pravilnika propisano je da se jedinični iznosi naknada za priključenje na distributivnu mrežu izračunati u skladu sa tim pravilnikom, primjenjuju od dana 01.01.2015. godine.

Na osnovu naprijed navedenih odredbi, Javno preduzeće Elektroprivreda Bosne i Hercegovine d.d. - Sarajevo je dostavilo FERK-u dana 19.12.2014. godine svoju Odluku o utvrđivanju iznosa prosječnih vrijednosti investicija elektroenergetskih objekata distributivne mreže i jediničnih iznosa naknada za priključenje krajnjih kupaca/proizvođača na distributivnu mrežu broj NO-40994/14-48V/1 od 18.12.2014. godine, koju je FERK primio pod brojem 07-02-977/34/14.

U članu 2. navedene odluke utvrđen je jedinični iznos naknade za priključenje objekta na niskonaponskom nivou distributivne mreže kao 50% vrijednosti od 390,00 KM/kW koliko iznosi prosječna vrijednost investicija za priključenje jednog kilovata priključne snage na niskonaponskom nivou distributivne mreže, te jedinični iznos naknade za priključenje objekta na srednjonaponskom nivou distributivne mreže kao 50% vrijednosti od 280,00 KM/kW koliko iznosi prosječna vrijednost investicija za priključenje jednog kilovata priključne snage na srednjonaponskom nivou distributivne mreže. Uz pomenutu odluku javno preduzeće je dostavilo i pojašnjenja vezana za izračun jediničnih iznosa naknada za priključenje na distributivnu mrežu, kao i prateću dokumentaciju.

Na osnovu pažljive analize dostavljenih jediničnih iznosa naknada za priključenje na distributivnu mrežu, FERK je utvrdio da su iste utvrđene u skladu sa Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, pa je odlučeno kao u dispozitivu ove odluke.

**PREDSJEDNICA FERK-a**  
**Đulizara Hadžimustafić**



Javno preduzeće \_\_\_\_\_  
**ELEKTROPRIVREDA BOSNE I HERCEGOVINE**  
 \_\_\_\_\_  
 d.d. - Sarajevo

Na osnovu člana 69. Statuta Javnog preduzeća Elektroprivreda Bosne i Hercegovine d.d. – Sarajevo-prečišćeni tekst, broj: SD-1067/11-19/3.b) od 09.03.2011. godine, Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo, broj: SD-28363/11-23/2. od 24.11.2011. godine, Statuta o dopunama Statuta Javnog preduzeća Elektroprivreda Bosne i Hercegovine d.d. – Sarajevo, broj: SD-7863/12-25/2. od 20.04.2012. godine, a u skladu s članom 45. Opštih uslova za isporuku električne energije ("Službene novine Federacije BiH", broj: 89/14) i članom 20. Pravilnika o metodologiji za izračunavanje naknada za priključenje i definisanje rokova i uslova za priključak na distributivnu mrežu („Službene novine Federacije BiH“, broj 89/14), Nadzorni odbor Javnog preduzeća Elektroprivreda Bosne i Hercegovine d.d. - Sarajevo, na 48. vanrednoj sjednici održanoj 18.12.2014. godine, d o n i o j e

### O D L U K U

**o utvrđivanju iznosa prosječnih vrijednosti investicija elektroenergetskih objekata distributivne mreže i jediničnih iznosa naknada za priključenje krajnjih kupaca/proizvođača na distributivnu mrežu**

#### Član 1.

Ovom Odlukom utvrđuju se iznosi prosječnih vrijednosti investicija elektroenergetskih objekata distributivne mreže prema tabelama iz Pravilnika o metodologiji za izračunavanje naknada za priključenje i definisanje rokova i uslova za priključak na distributivnu mrežu (prema Tabeli T-13 Prosječne vrijednosti investicija za elektroenergetske objekte, koja je u prilogu ove Odluke i čini njen sastavni dio).

#### Član 2.

Ovom Odlukom utvrđuje se prosječna vrijednosti investicija kako slijedi:

- prosječna vrijednost investicija za priključenje jednog kilovata priključne snage na niskonaponskom nivou distributivne mreže u iznosu od **390,00 KM/kW** bez PDV-a (prema tabeli M-5, koja je u prilogu ove Odluke i čini njen sastavni dio) i
- prosječna vrijednost investicija za priključenje jednog kilovata priključne snage na srednjenaponskom nivou distributivne mreže u iznosu od **280,00 KM/kW** bez PDV-a (prema tabeli M-6, koja je u prilogu ove Odluke i čini njen sastavni dio).

Jedinični iznos naknade za priključenje predstavlja 50 % prosječne vrijednosti investicija iz prethodnog stava ovog člana Odluke.

#### Član 3.

Ova Odluka stupa na snagu danom donošenja, a primjenjivaće se od 01.01.2015. godine, pod uslovom da Regulatorna komisija za energiju u Federaciji Bosne i Hercegovine (FERK-u) na istu da saglasnost.

Uprava Društva će ovu Odluku dostaviti Regulatornoj komisiji za energiju u Federaciji Bosne i Hercegovine (FERK-u) radi davanja saglasnosti na jedinične iznose naknada za priključenje krajnjih kupaca/proizvođača na distributivnu mrežu.



**Član 4.**

Danom početka primjene ove Odluke prestaje primjena Odluke o utvrđivanju jediničnih iznosa naknada za priključenje krajnjih kupaca/proizvođača na distributivnu mrežu, broj: NO - 23 - 12430.8.1./09 od 28.05.2009. godine.

Broj: NO – 40994/14 – 48V/1  
Sarajevo, 18.12.2014.

Predsjednik  
Nadzornog odbora

dr. sci. Enver Agić, dipl.ing.el.

